

Prodaje se: u Beogradu i u krajevima zaposjednutim od carsko i kraljevskih četa po cijeni od 6 h u Hrvatskoj-Slavoniji, Bosni-Hercegovini i Dalmaciji po cijeni od 8 h izvan ovog područja 12 h

Pretpлата: za 1 mjesec u Beogradu i u krajevima zaposjednutim od carsko i kraljevskih četa K 1-30 u Hrvatskoj-Slavoniji, Bosni-Hercegovini i Dalmaciji K 2-40 izvan ovog područja K 3-

Oglašiti po cijeniku.

Uredništvo: BEOGRAD, Vuka Karadžića ul. 10. Telefon broj 67. — Uprava, primanje oglasa i pretplate: Kneza Mihajla ul. broj 38. Telefon broj 25.

Opšti napad na zapadu odbijen. — Uspjesi saveznika u Bukovini.

RATNI IZVJEŠTAJI.

Izveštaj austro-ugarskog generalnog stožera.

K. B. Beč, 20. avgusta.

K. B. Beč, 20. avgusta.

Rusko bojište:

Front generala konjice nadvojvode Karla: Na Maguri zapadno od Moldave odbijeno je nekoliko neprijateljskih napada. Njemačke čete posjedoše brdo Kretu. Na sjeveroistočnim padinama Crne Gore proizvode se borba. Sjeverno od tartarskog klanca propadoše neprijateljski naleti. Naše je topništvo svojom vatrom rastjeralo rusku kolonu, koja je nastupala južno od Horozanke.

Front maršala pl. Hindenburga: Njemačke čete kod Kistellina otjeraše neprijatelja iz nekoliko istaknutih rovova. Uspješan se protivnapad vrši kod Rudke Czerwicze, gdje su Rusi prodrli na zapadnu obalu rijeke. Protivnik je ostavio u rukama saveznika 367 ljudi i 6 mašinskih pušaka.

Talijansko i jugoistočno bojište:

Nije bilo naročitih događaja.

Zamjenik glavnog generalnog stožera pl. Höfer, podmaršal.

Izveštaj njemačkog vojnog vodstva.

K. B. Berlin, 20. avgusta.

Zapadno bojište:

Zapadno od Somme po malo je posve popustila bojna djelatnost. Kod Owillersa trajala je borba prsa o prsa do u kasnu noć. Odbijeni su pojedini engleski napadi sjeverozapadno od Pozieresa i uz obje strane šume Foureaux. Prema sada predležim vijestima sudjelovalo je u napadima od 16. avgusta, najmanje 8 engleskih i 4 francuske divizije.

Desno od rijeke Maase nastavio je neprijatelj jučer napadima u odsjeku Thiaumont i Fleury. On je ponovno prodro u selo Fleury, inače je Thiaumont i u šumi Chapitre ostala su bezuspješna neprijateljska preduzeća ručnih granatama. Odbijene su engleske izvidnice kod Fromellesa i sjeverozapadno od Llevina. Kod Zeintreya smo zarobili nekoliko neprijateljskih vojnika.

Istočno bojište:

Front maršala pl. Hindenburga: Na Berzini sjeveroistočno od Djelaticzi su spriječeni pokušaji Rusa da prijedju preko rijeke. Uz obje strane Rudke Czerwicze na Stochodu traju još borbe sa neprijateljskim odjeljenjima, koja su prodrli na zapadnu obalu. U uspješnom je protunapadu zarobljeno 6 časnika i 367 neprijateljskih vojnika, a zaplijenjeno su 6 mašinske puške. Istočno od Kistellina izbacili smo Ruse iz nekoliko iztaknutih položaja.

Front generala konjice nadvojvode Karla: Sjeverno od Karpata nema osobitih događaja. U šumovitom gorju zaposjele su njemačke čete visinu Kreta južno od Zabe i odbile su jake neprijateljske protunapade na visinu Magura.

Balkansko bojište:

Zauzeta je Biklista južno od prespanskog jezera, također i Banica. Sjeverno od ostrovske jezera izbačena je srpska drinska divizija iz visina Čemat Jeri i Meterio Tepeši. Protunapadi su odbijeni.

Izveštaj turskog glavnog stana.

K. B. Carigrad, 19. avgusta.

Iraško bojište:

Nema nikakvih događaja.

Perzija—Rusko bojište:

Usljed naše navale protiv ruskih položaja i četa u okolici Zure, 25 km južno od Ahnu-a, 15 km istočno od granice odbačen je neprijatelj pravcem prema Ohnu, kod čega je ostavio na bojištu 150 mrtvih. Zarobljeno je nekoliko neprijateljskih vojnika.

Kavkasko bojište:

Nema nikakvih osobitih vijesti. U središtu omanji bojevi i topnička paljba. Jedna je naša izvidnica navalila na neprijateljsko telefonsko odjeljenje; momčad je poubijana, a aparati su zaplijenjeni.

Na ostalim frontovima nije se dogodilo ništa osobitog.

Njemačka.

„Deutschland“ na povratku.

(Naročiti brzojav „Beogradskih Novina“) Haag, 20. avgusta.

Prema jednoj vijesti Havasovog ureda opažena je trgovačka podmornica 12. avgusta na visini Newfoundlandске obale.

„Deutschland“ stigla?

K. B. Budimpešta, 20. avgusta.

„Az Est“ javlja na čelu lista: Prema povjerljivim a pouzdanim privatnim vijestima, njemačka trgovačka podmornica „Deutschland“ stigla je u subotu u jedno njemačko pristanište, i to kako vele te vijesti, u Bremen. Podmornica je potpuno neoštećena, a putovala je sedamnaest i pol dana.

Karta za meso u Njemačkoj.

(Naročiti brzojav „Beogradskih Novina“) Berlin, 20. avgusta.

Karta (legitimacija) za meso koja će se uskoro uvesti dajući pravo na 300 grama mesa sedmično od glave, podrazumevajući tu i divljač i živinu.

Ruska ofenziva.

Kavkascima.

K. B. Petrograd, 20. avgusta.

Povodom pozivanja pod oružje zemaljskih pričuva u Kavkazu — prvi slučaj u povjesti Rusije — izdao je podkralj veliki knez Nikolaj Nikolajevič manifest na narod, kojim podsjećuje na mnoge junake, koje je Kavkaz već dao ruskoj vojsci. Nada se, da će pozvani ratnici voljom careva na bojište pokazati staru svoju hrabrost.

Bojno gadjanje na rumunjskoj granici.

(Naročiti brzojav „Beogradskih Novina“) Bukarešt, 20. avgusta.

Od nekoliko dana na ovamo Rusi kod Renia vrše bojno gadjanje iz teških topova. Proklamacija velikog kneza Nikolajeviča

Englesko-francuska ofenziva.

Sumnjiv optimizam.

(Naročiti brzojav „Beogradskih Novina“) Ženeva, 20. avgusta.

„Temps“ u jednom članku, kojim treba da se ohrabre neutralci na stupanje u akciju, veli, da će već u toku idućih šest nedjelja pasti odluka svjetskoga rata.

Novi pregledi i pozivi.

K. B. Bern, 20. avgusta.

„Petit Journal“ tvrdi, da francuski ministar vojni sprema zakonski projekat, po kojemu se moraju podvrći novom pregledu svi oni, koji su dosada oslobođeni potpuno ili privremeno. Prema tvrdjenju pomenutoga lista, moraće ponovo izaći na pregled svi oni, koji su privremeno oslobođeni prije rata, a koje je krajem 1914. ili početkom 1915. pregledala komisija. Ove se pak mjere ne daju izvesti bez novoga zakona, što bi ga parlament morao izglasati. „Petit Parisien“ na to veli, da takav korak za sada ne može doći u pitanje, zato što bi se njime dobilo samo vrlo neznatni broj ljudstva. List se nada, da ministar vojni neće preduzeti mjere, kojima će oduzeti mnogo ljudi privrednom životu, a dobiti samo vojnike, koji će napuniti bolnice.

Engleski izvještaj.

K. B. London, 19. avgusta.

Očuvani smo i proširili svoje uspjehe zadobivene u toku posljednje noći. U toku noći neprijatelj je preduzeo nekoliko vrlo odlučnih protunapada protiv naših položaja, što smo ih bili zauzeli. Ovi su protu-

napadi svuda odbijeni sa izuzetkom i jednog protunapada na našem krajnjem desnom krilu, gdje je protivnik povratio nešto zemljišta. Od šumice Foureaux do tačke gdje se naš front spaja sa francuskim pomjerali smo naše redove na dužini fronta od više od dvaju milja, a u dubini od 200—600 jardi. Sada držimo zapadnu ivicu Guillemonta te liniju počevši sjeverno od Guillemonta, pa do sredine između Delville i Ginchya, te voćnjake sjeverno od Longuevala. Između šume Foureaux i drumu Albert-Baupume zauzismo nekoliko stotina jardi neprijateljskih rovova. Istočno i jugo-istočno od majura Mouquet pomjerismo naše redove za sto jardi. Između Owillersa i Thiepvala napredovali smo na frontu dugačkom preko pola milje u tim smo borbama zadobili nekoliko stotina zarobljenika.

K. B. London, 20. avgusta.

U minuloj noći bilo je borbi ručnim granatama na raznim mjestima između Ancre i Somme. No neprijatelj nije učinio nikakav ozbiljniji pokušaj da povrti zemljište što smo ga mi zadobili u petak.

Večernji engleski izvještaj.

K. B. London, 19. avgusta.

Jučerašnje borbe na pojedinim tačkama našega fronta od Thiepvala, pa do krajnjeg desnog krila južno od Guillemonta na razdaljini od 11 milja, donijele su nam velikih uspjeha. Osvojismo visinski greben što leži južno od Thiepvala i vladu ovim mjestom, osim toga sjeverne dijelove visina sjeverno od Pozieresa, sa kojih se dobro može pregledati zemljište prema istoku i sjevero-istoku. Držimo zapadnu ivicu šume na brdu, kao i njemačke rovove, koji se pružaju na pola milje zapadno od šume. Pomjerali smo naše redove do na sredokraću od Givenchy te do ivice Guillemonta; od ovog posljednjeg mjesta držimo pojedine dijelove, među ostalim željezničku stanicu i kamenolom; ovaj posljednji ima velikog vojničkog značaja. Do četiri sata izbrojano je 796 zarobljenika, među njima 16 časnika. Danas smo prodrli još za 300 jardi sjevero-istočno od Pozieresa, s obiju strana drumu Pozieres-Baupume, te sjevero-istočno od tamošnje vjetrenjače. Neprijatelj je topništvo tukao naše položaje, ali nije bilo pješačkoga napada. Neprijatelj nas je tukao i sa svojih položaja istočno od Vierstraeta do Yperna, na carinjskom kanalu, u oblasti kote 60 i kod vernbranskih vjetrenjača.

Francuski izvještaj.

K. B. Paris, 19. avgusta.

11 sati u veče: Noć je prošla sjeverno od Somme na miru. Izvršili smo samo jedno djelimično preduzeće, kojim smo izbacili protivnika iz jednog dijela rova sjeverno od Maurepasa, u kojemu se noću bio ugnijezdio. Naše čete živo rade na utvrđivanju osvojenih dijelova fronta. Zbog rdjavog vremena bilo je samo slabog topničkog djelovanja. U Argonnama izazvali smo eksploziju jedne mine, kojom smo razorili istaknuta neprijateljska utvrđenja kod kote 98. Na desnoj obali Maase vodi se stalno žestoka topnička borba. U odsjecima Vaux—Chapitre i Fleury nije bilo pješačkog djelovanja. Na ostalim djelovima fronta nije bilo značajnijih događaja.

Talijanska ofenziva.

Odušteni talijanski general.

K. B. Rim, 20. avgusta.

Zvanično se javlja, da je talijanski general Prugoni stavljen na dispoziciju.

Rumunjska.

Štampa i novi ugovor.

K. B. Bukarešt, 20. avgusta.

Povodom ugovora zaključenog između središnjih vlasti i Rumunjske radi kupovine graška i ječma, piše „La Politique“: Ovaj ugovor dokazuje, da se održavaju dobri privredni odnosi između Rumunjske i središnjih vlasti. Predstoje novi pregovori radi kupovine žita od 1915. i 1914. godine. Iz toga se može zaključiti, da vlada polaže na održavanje dobrih privrednih odnosa sa središnjim vlastima, a jednovremeno se dementuju sve uznemiravajuće vijesti.

Razmjena robe u punom jeku.

K. B. Bukarešt, 20. avgusta.

Do 1. avgusta stiglo je u Bukarešt 72 „Carmen“ vozova sastavljenih iz 2.037 vagona te 20 šleпова; u njima je uneseno u Rumunjsku 35 milijuna kilograma robe u vrijednosti od 28 milijuna leja.

Dolazak carigradskog poslanika.

K. B. Carigrad, 20. avgusta.

Ovdašnji rumunjski poslanik K. Man o otputovao je za Bukarešt uslijed smrti svoje majke.

Italija.

Talijanski kralj na bojištu.

(Naročiti brzojav „Beogradskih Novina“) Lugano, 20. avgusta.

„Secolo“ javlja, da je otpočela treća faza bitke u kraljevom prisustvu.

Razočaranje zbog Gorice.

(Naročiti brzojav „Beogradskih Novina“) Lugano, 20. avgusta.

Talijanski listovi opominju publiku na strpljenje povodom položaja oko Gorice. „Italia“ primjećuje, da se isprva vjerovalo, da će austro-ugarske čete samo privremeno držati položaj na brijegu San Marco zapadno od Gorice, da bi zaštitile povlačenje svojih četa; no to je bila velika zablude, jer se na ime oko San Marca već deset dana vodi borba, a da se otpor još nikako ne može slomiti. Sve se većma pokazuje značaj dobro pripremljene obrane za braniocima. Austrijanci raspolazu podzemnim zaklonima, u kojima mogu mirno izdržati šrapnel-sku i granatsku vatru, do časa kada se Talijani krenu na pješački napad. Tada se Austrijanci pomalaju, te iz puškarica, koje se svake noći opravljaju obasipaju napadača žestokom vatrom iz mašinskih pušaka.

Zemljotres u Italiji.

K. B. Lugano, 20. avgusta.

Jučer je ujutro osječen zemljotres u Italiji. U veče je zemljotres osječen diljem jadranske obale, najjače u Anconi i Senigalliji. Šteta je nepoznatna. Pučanstvo mora da spava pod vedrim nebom i mnogo pati od silnih kiša.

Balkanske vijesti.

Izbori u Grčkoj.

Sloboda štampe i sastajanja.

K. B. Atena, 20. avgusta.

Reuterov ured javlja, da je između grčke vlade i diplomata sila sporazuma postignut sporazum u pitanju opasnoga stanja u Mačedoniji. Kandidatima će biti dozvoljeno, da slobodno putuju po svojim izbornim kotarevima, dozvolice se sloboda štampe i sastajanja u zatvorenim prostorijama, ali se novine moraju obvezati, da neće aktivno sudjelovati u izbornoj borbi i neće napadati vlade sila sporazuma.

Skupštinske sjednice na Krfu.

K. B. Paris, 20. avgusta.

Kako javlja „Matin“ srpska je vlada zamolila krfsku gradsku upravu, da joj ustupi gradsko pozorište, u kojemu će se održati skupštinske sjednice.

Engleska i kolonije.

Engleska izdaje ruske bjegunce.

(Naročiti brzojav „Beogradskih Novina“) Basel, 20. avgusta.

1. avgusta izdala je Engleska ruskim vlastima 12.733 ruska podanika, koji su boravili u Engleskoj, a izbjegavali vojnu službu u savezničkim vojskama.

„Crne listine“.

K. B. Berlin, 20. avgusta.

„Norddeutsche Allgemeine Zeitung“ piše pod naslovom: „Crne listine“: U engleskoj i francuskoj se štampi opetuje tvrdnja, koju je postavio engleski ministar blokade Cecil, prema kojoj je Njemačka postavila iste ovakove crne liste prema neutralima, osobito prema Švajcarskoj. Njemačka lista ne može biti nikako usporedjena sa engleskim i francuskim listama. Njemačka lista sadržaje samo one firme, koje izrađuju ratni materijal za silu sporazuma, pa služi dakle samo svrsi da spriječi izvoz materijala iz Njemačke, koji se može upotrijebiti za produkciju ratnih potrebitina za neprijatelje Njemačke. Engleska lista ne stoji u vezi sa liferacijama ratnog materijala, nego je upravljena protiv mirne i zakonite trgovine unutar neutralnih država.

Englozi zauzeli Bagamojo.

K. B. London, 20. avgusta.

Kako javlja Reuterov ured zauzeli su engleske pomorske čete pristanište Bagamojo u njemačkoj istočnoj Africi.

Švedsko-engleski sukob.

Švedske represalije.

(Naročiti brzojav „Beogradskih Novina“) Stockholm, 20. avgusta.

Izgleda da će Švedska odgovoriti na engleske mjere opštom zabranom izvoza svojih proizvoda u Englesku.

Švedska plava knjiga.

K. B. Stockholm, 20. avgusta.

Švedska vlada izdaje plavu knjigu, u kojoj se publikuju note izmijenjene povodom obostranih konfiskacija pošte. U njoj

se objavljuje sva prepiska što je u Londonu u ime svojih vlada razmijenije Sir Edvard Grey i švedski poslanik. Iz ovih se nota vidi, da je švedska vlada voljna da izda zaplijenjene engleske poštanske pakete, a da pitanje odštete upućuje na međunarodni sud poslije završetka rata.

Grad i okolice.

Putujući ratnik.

Jučer po podne bio je u konaku prvi podnevni koncert za momčad. I ako je bilo nepovoljno i kišno vrijeme, ipak se bio prikupio dosta znatan broj vojnika. Gospodin nadporučnik pl. Ballaško držao je prikupljenju momčadi slijedeći govor: Svakih za cara i domovinu na koju časti poginuli ostavio nam je jedan sveti amanet: „Ne zaboravite moj!“ Vi ste se danas skupili oko putujućeg ratnika, kojeg sam ja zaustavio, da sjećajući se njega, dokažete svoje požrtvovanje. Iz željeza postaje zlato! A sad vojvode, posvršavamo ovaj sveti rad, onako kako dolikuje hrabrim ratnicima, sa oduševljenim usklikom, koji potiče iz dubine srca: Njegovo Veličanstvo naš premilostivi i obožavani vrhovni ratni zapovjednik živio! Ovaj govor prema svome smislu prevela su dva vojna sveštenika na mađarski i hrvatski. Na ukucavanju klinaca u putujućeg ratnika dostojno se odlikovalo vojničko odjeljenje zapovjedništva južne vojne željeznice pod vodstvom c. i kr. satnika Rocha. U četvrtak po podne biće u isto doba podnevni koncert za časnike i njihovu rodbinu.

Narodna privreda.

Promet sa šljivama, suhim voćem i pekmezom u Bosni.

Najnoviji komad Glasnika zakona i naredaba za Bosnu i Hercegovinu donosi vladinu naredbu u prometu sa šljivama, suhim voćem i pekmezom u Bosni i Hercegovini.

Prama ovoj naredbi za šljive je dopušten u nas slobodan promet, a maksimalne su cijene šljivama rankama (zerdelijama) 8 K, te šljivama požegačama 16 K po 100 kg. Naprotiv se stavlja pod zatvor suhe šljive, pekmez i sušeno voće iz godine 1916. Ovaj se zatvor proteže na sve zalihe, izuzam zalihe zemaljskog erara i vojne uprave. Radi toga ne smije se sa predmetima, stavljenima pod zatvor ni trgovati niti se smiju preradjivati ili inače s njima raspolagati — osim za vlastitu potrebu — bez dozvole zemaljske vlade. Zabrani su i svi ugovori o kupnji budućeg roda uz izvjesnu cijenu. Ko ima na zalihama suhih šljiva, pekmeza i drugog suhog voća, ne smije ga maknuti s dosadašnjeg spremišta bez oblasne dozvole. Ova se roba može slati samo uz prilog oblasne dozvole za prevoz. Svaki posjednik je suhih šljiva i voća te pekmeza dužan, da na poziv oblasti u određenom roku iskaže, koliko su mu zalihe, pa ma bile one vlasništvo njegovog ili tuđe u njegovoj pohrani. Od ovoga su izuzete zalihe vojne uprave. Zalihe, koje se moraju prijaviti, a koje ne budu prijavljene, mogu se zaplijeniti u korist zemaljskog erara.

U svrhu poslovnog provodjanja cjeline shodno iskorišćavanja spomenutih proizvoda te u svrhu, da se potrošači izmognu opskrbiti ovim proizvodima, zemaljska vlada osniva „središnji ured za iskorišćenje i prodaju suhih šljiva, pekmeza i drugog suhog voća“. Sjedište će središnjem uredu biti u Brčkom, a svrha će mu biti, da vodi brigu o tome, da se pokrije potreba Bosne i Hercegovine i ostale monarhije te vojne uprave, kao i to, da vodi brigu o izvozu u savezničke i neutralne zemlje. Ovaj će ured biti izravno podčinjen zemaljskoj vladi te će raditi po njenim uputama. U ured će biti pozvani domaći veletržci, a on će biti vođen po trgovinskim načelima. Ovaj je ured ovlašten, da samo on kupuje i dalje prodaje spomenute proizvode. On će morati da plaća suhe šljive (po 100 kg.): 100/115 komada u kilogramu po 100 K, 115/130 po 97 K, za još sitnije 94 K, za ostalo suho voće 80 K, te za pekmez 120 K. Za središnji ured je u prodaji udarena maksimalna cijena suhim šljivama 150 K, pekmezu 170 K, suhom voću 130 K. Od čista dobitka podmiruju se komisijone pristojbe, 6% ide na ukamčenje glavnice, a najviše 1% na prometnu proviziju. Ostatak čista dobitka namijenjen je općim aprovizacionim svrhama zemlje, te o njemu odlučuje zemaljska vlada.

Prekršitelji ove naredbe bit će kažnjeni zatvorom od 3 dana do 3 mjeseca ili novčanom globom od 20 K do 2000 K. Novčana globa može se izreći i do 5000 K.

Naredba staje na snagu danom proglašenja.

CIJENE OGLASIMA:

Osmna jednog milimetarskog retka (42 mm široko) staje . . . 10 helera
Pripisano: Petna jednog milimetar. retka (70 mm široko) staje . . . 40 helera
Bilješke: Petna jednog štamparskog retka (70 mm široko) staje . . . Kruna 4
Mali oglasnik: Jednostavna riječ 5 helera, sa masnim slovima 10 helera.

MALI OGLASI
Primaju se: Knez Mihajlova ul. 38.

CIJENE OGLASIMA:

Osmna jednog milimetarskog retka (42 mm široko) staje . . . 10 helera
Pripisano: Petna jednog milimetar. retka (70 mm široko) staje . . . 40 helera
Bilješke: Petna jednog štamparskog retka (70 mm široko) staje . . . Kruna 4
Mali oglasnik: Jednostavna riječ 5 helera, sa masnim slovima 10 helera.

Ljekarska pomoć.

Zubno-tehnički atelje. Vještacke zube na kaučuku, takodje bez skidanja zlatne krunice, zube na šifit i zlatne misticije po šva carskom sistemu. Cijene solitne sa garancijom. J. Zidverc, diplom. Dentist. Kralja-Milana ul. 57. Prima: od 8-12 prije podne i od 2-6 po podne. 11300-1

KORESPONDENCIJA.

Mihailo Ivačković, tipograf iz Beograda, molim sve prijatelje i poznanike koji su izbegli na razne strane mesta, da me izvjestite za mog sina Dimitrija Ivačkovića, narednika 7. puka vojne muzike, a za kojega bili zahvalan, i to molim preko "Beogradskih Novina" ili na moj stan Radnička ulica br. 2, Beograd. g-6

Režija.

Mašinsko zejlina najb. ljeq kvalifeta, dobila je radni Memečina Koena u Vatrosgnoj ulici br. 4. Za svatilit i uslove zainteresovani neka se izvolie obratiti istoj radnji. 11027-5

Tražim NOVAC NA ZAJAM na uložne knjizice naših novčanih zavoda, ko hoće, da da novac na zajam neka mi se javi, garancija sigurna. Živojina M. Sinić, advokat. Bilojska ul. br. 63, Beograd. 9946-5

ADVOKATSKA KANCELARIJA Živojina M. Sinića, advokata, Bilojska ul. br. 63, Beograd. Prima od 8 do 9 časova prije podne i od 2 do 4 časa poslije podne. 9946-5

Piano tražim u najam. Pionde sub "Piano 128", a dom. ov. lista. 11416-5

Milano Periću, vojnom zarobljeniku, Nagyregyer. Tvoje karte sam primio, pisala sam ti ali vidim nedobijam moja pisma, ja sam sa djecom zdravu u banji, Savka Perić, Vrnjci. 11383-8

Djoki Karajovanović, Hotel "Terminus", Geneve. Poslati novac danas primih, hvala. Seti se i drugi put. Gdje je Buba sa Mišom. Sto se ne javljate već dva mjeseca. Dragoljub vas pozdravlja, mi smo svi zdravi, tebe i Batu svi pozdravljamo. Anka Karajovanović, Obilježev-Vjenac 29. 11341-8

Srpskom Crvenom Krstu, Geneve. G-dji Zorici Kovačević. Raduje me da ste svi zdravi i da najviše se radujem da se Dragi popravio. Izvještavaj me češće o vami, mi smo zdravi. Aca ie umro zimus. Novac 148 Kr. primila. Svekar ti je živ, pozdravlja te tvoja mati Katica Dedinac, Bilojska 39. g-8

Srpskom Crvenom Krstu, Geneve. G-dji Zorici Kovačević. Raduje me da ste svi zdravi i da najviše se radujem da se Dragi popravio. Izvještavaj me češće o vami, mi smo zdravi. Aca ie umro zimus. Novac 148 Kr. primila. Svekar ti je živ, pozdravlja te tvoja mati Katica Dedinac, Bilojska 39. g-8

KORESPONDENCIJA.

Srpskom Crvenom Krstu, Ženeva. Molim da me izvjesti za mog jedinog brata Ljubivoja Aleksića rezerva. pešad. podporučnika IV. prekob. puka, 2. čete, 1 bataljona, dunavske divizije I. poziva i Milana Keserica, komandira komore 16. pešad. kadrovskog puka. O njima familije ne znaju već 11 mjeseci. Unaprijed blagodarna Mileva Aleksićeva Beograd, Ohridska ul. br. 12. 11342-8

G. Dragiću Soldatoviću, Ženeva. Posle tolikih bezuspješnih molbi, apelujem još i na tvoje prijateljstvo i drugarstvo i molim, da me što je moguće prije izvjestiš o mojoj braći: Milenku Djordjeviću, naredniku IV. eskadrona, drin. konj. divizionu, II. poziva; Živojina Djordjeviću kaplaru IV. baterije, 2. divizionu, drin. art. puka I. poziva. O Milenku sam posrednim putem čuo najgore glasove, te živim u strašnoj neizvesnosti. Troškove ću naknaditi a za uslugu zahvaljujem. Prof. Mihailo Djordjević, Lomina ul. 14. Beograd. 11340-8

CROIX ROUGE SERBE, Ženeva. Molim za izvještaj o mojim srođnicima: Dragutinu Rajevcu, vojniku 2. brdske baterije, II. poz. timočke vojske; Dragomiru Rajevcu, kaplaru bolničaru IV. puka, I. poz. drin. diviz. i Milošu Rajevcu, kaplaru pirotehničke čete stalnog kadra i Strahinu Rajevcu, podnaredniku VIII. puka, I. poz. Stevan Rajevac, Užice. 11350-8

G. ANDRI CVETKOVICU iz Rekovca, Nica. Tvoj izvještaj pročitao sam, na čemu ti veliko hvala. Izvjesti Živoju da smo zdravi svi, i tvoja Anka je zdrava ne brini. Ponova me izvjesti za Živoju, i kako je Perča i Djole. Živadin i Milutin pozdravljaju ih. Tebe pozdravlja Svetozar Simonović, iz Rekovca. 11349-8

STRAHINI JAGODICU, Ženeva. — Poštovani prijatelju, mnogo vam zahvaljujem na dobroti i izvještaju za sve moje. Na pokornu e molim, da izvjestite Sretna, da smo svi živi i zdravi. Javićete mu, da su: Vijaša, Agnica i Dragan Milutinovi umrli. Neka izvjesti zna li šta za Božidara i Miloša Jokića, i neka se raspita za Avrama Karaklačića. To ga sve izvjestite, a on neka za sve izvjesti mene preko vas. Pozdrav tvoj Radenko Jukić, Užice. KJ-8

Gospodinu VASILJKU SUMARCU, Raška. Molim vas javiti mojoj svekrvi Ješi Mihailović u Vlasovo, da je moja ćerica Nada umrla 12. VIII. Ja i Sava smo zdravi. Koleksija S. Mihailovića, Kralja Aleksandra ul. 81. 11346-8

SRPSKOM CRVENOM KRSTU, Ženeva. — Kosta Petrović, bolničar prve poljske bolnice, dunavske divizije, drugač. poziva i Pera (Petar) Petrović, regrut, drugač. obolice iz Grocke, nikako se nisu javili svoj kući. O prvom neznamo ništa. Mita Djordjević iz Grocke ili Radosav Tomić. Unaprijed će biti blagodarna ako mi molbu uvažite i time svakodnevnu brigu za njima ukratite, t. j. ako nam ovim putem preko "Beograd. Novina" javite da li su obolice živi i zdravi. Blagodarna Perka Petrović iz Grocke. 11314-8

SRPSKOM CRVENOM KRSTU, Ženeva. — Pri povlačenju srpske vojske, otišli su iz Peći moji sestrići: Mateja Popović, pisar uprave monopola sa Kosom Ivanovićem, mojim zetom, revizionom carinarnice beogradske i blaginjom VIII. puka, III. poziva. Sa Ivanovićem je i njegov sin Milan, djak; Vukašin Popović, student, otišao sa inženjerskim pukovnikom Dušanom Cvetkovićem, načelnikom inženjerije II. armije. Do danas se niko od njih nije javio. Molim za izvještaj o svima njima, je su li živi i gdje se nalaze. Jovan Sienički, Poslanika ul. br. 27. 11307-8

Jovi Premoviću, Ženeva. Case 3545. M. B. Teča jovo, molim vas izvjestite me o Voljnu Brkiću, koji je ostao u Solunu, i o Aleksu Jovanoviću, kaplaru telegraf. čete šumadijske divizije II. poz. — Javite im da smo ja i Zora u Rekovcu sa djecom kod majke, svi smo zdravo i mnogo vas sve pozdravljamo. Mileva Brkić, Rekovac. 11349-8

Tražim muža SAVU TODOROVIĆA, rez. narednika timočke divizije, I. poziva, profirani kolona, I. odjeljenje. Ja sam u Mitrovici, zdravo. Neka mi pošalje novca. Marija Todorovića, Unaprijed zahvalna Marija Todorovića. A. 199-8

DRAGOLJUB JOVANOVIĆ, "BELI". — Ja sam sa djecom zdrava, javi se gdje si, novac pošalji, jer sam u oskudici. Pozdravlja te tvoja žena sa djecom. Katarina Jovanović, (Duhovničak) Saborna ul. br. 39. 11303-8

MOLIM svakog brata i prijatelja, koji bi ma šta znao za mog sina Miloša Dimitrića, zarobljenika iz sela Mirjeva, koji se posljednji put javio februara mjeseca ove godine iz Pešte iz 29. rezervnog špitalja. Molim da me izvjesti bilo kartom ili preko "Beograd. Novina", izvjestiti mene lično ili preko g. Radivoja Borjanovića, frizera Kralja Milana ul. br. 118, Beograd. Otac Ilija Dimić, Mirjevo. 11309-8

G. Aci N. Z. Popoviću, Ženeva. — Nebrojno puta i na razne načine, pisala sam i telegrafisala, pa to i sad stalno radim. Zdravi smo hvala Bogu; samo jako brinem za Koću, o kome mi u anonsi ni reći ne javiste; a dobro znate, koliko su mi potrebne i važne vijesti o njemu. Molim da mi najbržim putem šaljete izvješća o Koći; a tako isto javite mi za Mamu, Djoku i Dragana, Ružu, djecu i vas pozdravlja, Jovanka K. Popović, Čika Ljubina ulica 19, Beograd. 11351-8

Gosp. Adamu Djermanu, Ženeva. Rue Thalberg. Oglas, kojim mi javljate za mamu Katarinu Obrenoviću, sestru i brata, jako me je obradovao. Blagodarnim Vam na izvješću. Mnogo ih pozdravljam. Neka se ovim putem često javljaju. Ja sam zdrava u Obrenovcu. Nikola je u Nežideru, Natalija sa svima nienima u Beogradu. Ljubi ih sve i grli Mileva Kostićka, učiteljica, Obrenovac. 11356-8

MILOVANU LAZAREVICU, Hotel Terminus, Ženeva. — Izvještaj o našim muzejevima primile smo, na čemu vam veoma blagodarimo. Molimo vas, izvjestite naše muzeje: Dimitrija Petrovića, sreskog načelnika i Velimira Mladenovića, pisara, da smo svi živi i zdravi i da nam što prije novaca pošaljite, jer smo u velikoj oskudici. Oni pak neka nam se češće javljaju ovim putem. Neka me Mita izvjesti o Tasi i Vlajku, jer je Dana u očajanju o njima. Velja pak neka izvjesti o njegovom bratu Živoju, jer su u njemu i u velikoj brzi. Preko njih raspitajte i za Rašu ekocoma. Ekonomka je u velikoj brzi i oskudici. U isto vrijeme raspitajte i za Živana Markovića, kafedžiju iz Lazareva. Ujedno vas molim gospođicu Dragu Markovićku da je izvjesti o njenim sinovima Žiki i Vladi, žika se javio još u maju iz Bazela. Ona je u velikoj brzi za njima. Pozdravljaju: Leposava Petrović i Jovanka Mladenović iz Lazareva. 11325-8

G. Cvetku Zotoviću, medicinaru, Bern — Schweiz. — Molim vas izvjestite Ljubu da smo svi zdravo, o nam ni nek ne brine. Novac od njega došla sam 223 kruna 50 h. Brinem za Sinišu, dali je zdrav, neka mi on piše preko vas. Ljuba nek izvjesti Dragižu, da mu je žena sa djecom zdravo u Beogradu. Od njega sam do sada dobila 289 kruna i njegovoj ženi odmah isposlala. Blagodari i srdačno pozdravlja vas i g. Miku, Ljubica Lj. Smiljanićka, Užice. 11369-8

Gospodji Živki A. Siničić, Sokobanja. Draga Živka. Po tvojoj poruci tata je umolio jednog svog prijatelja u Nišu, da ti pošalje 500 dinara. Kad ovaj novac bude primila izvjesti o tome tatu. Mi smo svi zdravi i uvijek brinemo o našima koji su na strani, jer odavna nemamo nikakve vijesti od njih. Svima veliko pozdravlje. Tvoja sestra Savka Živadinović, Gračanica ul. 20. 11357-8

G. Milošu Sušiću, poštaru, Avenue du Mail 4, Genf. Veliko Vam hvala na izvještaju, budite dobri i u buduće javljajte nam o Veliboru i Risti, pozdravite ih mnogo. Poslatih 100 K još nismo primili. Rista neka mi novac odmah pošalje. Velibor neka izvjesti Micu o Žarku Panteliću, Grobljanska 10. Blagodarnim Vam na dobroti. Zora Naumović, Kočina ul. 59. 11359-8

Srpskom Crvenom Krstu, Ženeva. Molim vas raspitajte za mog muža Petra Tomića, vojnika I. čete, 2. bat., 8. puka, dunav. diviz. 1. poz. Po zamljanju tipografa Držav. Štamparije; izvjestite me, na čemu ću vam biti vječno blagodarna. Draga Tomić, Nevesinjska ul. No 13, Beograd. 11325-8

Dušanu Radojkoviću, ljekaru, Lozana. Javio sam Vami, da sam prvut partiju novca primila i da želim da moj muž pošalje to skorije još novca. Ružica Miroslava Tomića, Deigradska 29. 11371-8

Srpskom Crvenom Krstu, Geneve. Molim vas izvjestite mog muža Čedu Jevđjeničevića sreskog načelnika da mi odmah pošlje novca. Moli za izvješće Kosara Čed. Jevđjeničevića, Kočina 9, Beograd. 11336-8

Srpskom Crvenom Krstu, Geneve. Molim družstvo da me izvjesti da li je živ moj muž Dimitrije Mamić, kapetan I. klase, komandir znaniljske čete šumadijske divizije. Unaprijed blagodari, Panna Mamić, — Grocka. g-8

Leo S. in firma Hermann Krönig, Ruzsuck, Bulgarien. — Molim izvjestite mog muža Dr. Jakova Brika da sam karte dobila i odgovorila, da vraćam i u Novom Paz ru; oglas sam prije dva mjeseca dala i izašlo. Kata Dr Brika. A 409-8

Gospod. Mili Mihailoviću (Vlašce). Geneve. Veoma sam vam blagodarna na izvještaju o mome Bori. To je bila prva vijest posle 9 mjeseci. Molim vas budite ljubazni da me oširnije izvjestite. A njemu javite da sam zdravo kod roditelja. Sa Vranjom nemoguće imati vjeze. Unaprijed vam blagodarim Dara Dr. B. Djordjevića selo Gor. Dobrinja, srez Požege, okrug Užice. Milica D. Jovičić. A 404-8

Srpskom Crvenom Krstu, Ženeva. Molimo vas ljepo ako vam je ikako moguće saznati o našima da li su živi i gdje se nalaze: Vučko Jelčić, kaplar brdske divizionu i Stanislav Jelčić, regrut X. puka. Njima javite da smo kod kuće svi zdravo i dobro. Sav trošak priznaćemo. Vječno zahvalni: Veselin Jelčić i Milica Jelčić iz Gor. Dobrinja srez Požege okrug Užice. Milica D. Jovičić. A 405-8

Proljećna - jesenja i zimskih dječijih kaputa za žensku djecu, raznog kroja, sve veličine, prodaje veoma spuštenom cijenom Roza Štern i Sin Knez-Mihajla br. 11. 46-VII

REKLAMA NEPOTREBNA "PRIMUS" Je u cijelom svijetu priznat kao jedini i najbolji aparat za kuhanje petroleumom, za tri minuta zagrijava svaku tečnost, ne puši se, ne kvari se i ne može eksplodirati da prouzrokuje. Sve druge bez gornjeg žiga podražavanje ja. Prodaja samo u radnji Nikole Spasića i Drug Knez-Mihajlova ulica 47. 10188

Prva Elektro-Mehanička Radionica MILUTINA S. MARKOVICA Beograd - Terazije Nr. 8. (u dvorištu). Specijalno vrši opravke: pisanih listi i štrikaćih mašina, gramofona, fotografskih aparata, geodetskih, hirurških instrumenata, PRIMUSA kao i ostalih mehančkih artikala. "Rekord" kuvara (PRIMUSA) prodaja po komadu i na više po umjerenoj cijeni i sa garancijom.

PAZNIJA. FIRMA Nikola Spasić i Drug. Beograd, Knez Mihajlova ul. 47. ima na stovarištu veću količinu Original američanski "CILINDER ZEJTIN" i isti prodaje u manjoj i većoj količini. 11877

Nirnberška Radnja Josifa Kalderona Vatrogesna ul. br. 3., Beograd, do bivše Beogradske Opštine preporučuje trgovcima svoja bogato stovarište, nirnberške robe, hartije, razglednica i ratnih dopisnica. Cijene su vrlo niske.